



Sistema ng Pagrango ng mga Kawani ng KWF

I. Pagsusumite ng IPCR at DPCR

1. Sang-ayon sa aprobadong SPMS ng Komisyon sa Wikang Filipino, iuulat at ilalagay sa DPCR at IPCR ang mga nagawa (*accomplishment/output*) sa loob ng anim na buwan. Ibig sabihin, dalawang beses magsusumite ng IPCR ang mga kawani at ng DPCR ang mga punò ng sangay. Tuwing ika-10 ng Enero at ika-10 ng Hulyo ang dedlayn ng pagsusumite sa sinagutang IPCR at DPCR, at itinakdang mga target para sa susunod na anim na buwan.

2. Nahahati sa sumusunod na sangay o deliveri yunit ang KWF: (a) Opisina ng Tagapangulo, (b) Sangay ng Edukasyon at Networking, (c) Sangay ng Salita at Gramatika, (d) Sangay ng Salin, (e) Sangay ng Literatura at Araling Kultural, at (f) Sangay ng Pangasiwaan at Pananalapi. Ang punò ng sangay ng bawat nabanggit na deliveri yunit ang siyang magsusumite ng DPCR output at targets.

Ang punò ng mga sangay ang maggagrado sa mga kawani at ang Direktor-Heneral ang maggagrado sa IPCR ng punò ng mga sangay at sa DPCR ng bawat sangay.

II. Pagrango sa mga Kawani batay sa IPCR at DPCR

1. Tuwing Enero ng susunod na taon ibinubuod ang grado ng IPCR ng mga kawani at DPCR ng mga deliveri yunit. Kukunin ang average ng IPCR ng Enero–Hunyo at Hulyo–Disyembre.

2. Ang Yunit Pantauhan o katulad, sa patnubay ng PBB Focal Person, ang siyang mangangasiwa ng pagrango ng mga kawani. Ibabatay sa sistema ng pagrango sang-ayon sa MC 2017-01 ng Inter-agency Task Force ang sistema ng pagrango sa mga kawani at deliveri yunit ng KWF. Sang-ayon sa seksiyon 8.1 ng MC 2017-01, irarango ang mga deliveri yunit ng KWF batay sa sumusunod:

Kategorya	Ranggo
Pinakamahusay	10%
Mahusáy-husáy	25%
Mahusay	65%

Mula sa anim (6) na deliveri yunit ng KWF, isa (1) ang maikakategoryang **Pinakamahusay**, dalawa (2) ang **Mahusay-husay**, at tatlo (3) ang **Mahusay**.

3. Ibabatay naman sa seksiyon 9.0 ang pagrango sa mga kawani, base sa sumusunod:

Kategorya ng Pagganap (Performance Category)	PBB bilang % ng Buwanang Batayang Sahod
Pinakamahusay na Deliveri Yunit (10%)	65%



Republika ng Filipinas
Tanggapan ng Pangulo

KOMISYON SA WIKANG FILIPINO



Mahusay-husay na Deliveri Yunit (25%)	57.5%
Mahusay na Deliveri Yunit (65%)	50%

4. Ang resulta ng pagranggo at ang buod nitó sang-ayon sa Form 1 na Report on Agency Rating and Ranking ay isusumite sa kinauukulang ahensiya sa o bago ang 31 Enero 2018.

Inihanda ni:

(pmdo.)

MARIA CHRISTINA A. PANGAN

Gumaganap na Opisyal sa Pagpapalano / PBB Spokesperson

Inendoso:

(pmdo.)

LORNA E. FLORES

Fultaym Komisyoner / PBB Focal Person